

“ТАСДИҚЛАЙМАН”
Давлат харидлари соҳасидаги
шикоятларни кўриб чиқиш бўйича
комиссия раиси
ЭРИ билан тасдиқланган
Атаджанов Муродбек Бекбергенович

Давлат харидлари соҳасидаги шикоятларни кўриб чиқиш бўйича комиссия
йиғилишининг
Р00027 Баёни

Тошкент шаҳри

2023 йил “03” Август

Раислик қилди:

Атаджанов Муродбек Бекбергенович –
Қўмита бошлиғи ўринбосари

Қатнашдилар:

Давлат харидлари соҳасидаги
шикоятларни кўриб чиқиш бўйича
комиссия аъзолари

Давлат харидлари соҳасидаги шикоятларни кўриб чиқиш бўйича комиссия
йиғилишининг қворуми – 84 %

КУН ТАРТИБИ:

Тошкент туманлараро маъмурий судининг 2023 йил 11 июль куни қарори билан аризачилар “Mega Poligraf servis” МЧЖ, “Sano-standart” МЧЖ, “Star poligraf М М” МЧЖ (кейинги ўринларда – Аризачи) жавобгар Ўзбекистон Республикаси Иқтисодиёт ва молия вазирлиги (кейинги ўринларда – Жавобгар)га нисбатан Давлат харидлари соҳасидаги шикоятларни кўриб чиқиш бўйича Комиссиясининг 2023 йил 5 апрелдаги 5-сон баённома шаклида расмийлаштирилган қарорининг 4-бандидаги 4-масала қисмини ҳақиқий эмас деб топиш тўғрисида қарори муҳокамаси.

Комиссия котиби С.Маманазаров сўзга чиқиб, Суднинг мазкур қарори моддий ҳамда процессуал ҳуқуқ нормалари бузилган ҳолда қабул қилинган ҳамда қуйидаги асосларга кўра бекор қилиниши кераклигини таъкидлаб мазкур қарор билан Комиссия аъзоларини таништирди.

Унга кўра:

Мактабгача ва мактаб таълими вазирлиги ҳузуридаги “Таъминот ва логистика хизмати” ДУК (кейинги ўринларда - Буюртмачи) томонидан давлат харидлари порталида Кембридж университети нашриётининг 1-11-синф инглиз тили фанидан дарсликлар ва ўқув-методик мажмуаларини харид қилиш бўйича жами суммаси 97 272 053 100 сўм бўлган 11 ЛОТ (№235685, №235688, №235689,

№235690, №235691, №235692, №235693, №235694, №235695, №235696, №235697) Etender.uzex.uz махсус ахборот портали орқали тендер эълон қилганлиги;

2023 йил 30 март куни ўтказилган тендер натижаларига кўра 4 та тадбиркорлик субъекти ғолиб деб топилиб, 2023 йил 3 апрелда улар билан маҳсулот етказиб бериш шартномаси имзоланганлиги;

2023 йил 4 апрель куни “Ўзбекистон” нашриёт-матбаа ижодий уйи МЧЖ (кейинги ўринларда - Иштирокчи) шикоят аризаси билан Давлат харидлари соҳасидаги шикоятларни кўриб чиқиш бўйича Комиссиянинг ишчи органи ҳисобланган Иқтисодиёт ва молия вазирлигига ўтказилган тендерни бекор қилиш юзасидан мурожаат қилганлиги;

шикоят Комиссиянинг ишчи гуруҳи томонидан ўрганиб чиқилиб, қуйидаги қонуний асосларга кўра 2023 йил 5 апрель куни ўтказилган тендер бекор қилинган. Хужжатлардан аниқланишича, Иштирокчининг тендерда иштирок этиш учун тақдим қилган хужжатлар орасида баланс ҳисоботлари Ф-1, Ф-2 ва 4-сон шаклдаги ҳисоботлар бир-бирига номувофиқ расмийлаштирилган бўлиб, 4-сон шаклда узок муддатли кредиторлик қарздорлиги кўрсатилмаган ва шу сабабли харидлардан четлатилганлиги;

Аммо бу ҳолатда Иштирокчи томонидан тақдим этилган Ф-1 ва Ф-2 шаклдаги ҳисоботлар солиқ органи томонидан тасдиқланган бўлиб, харид Комиссиясида ушбу ҳисоботларга шубҳа уйғонган тақдирда, солиқ органининг ҳулосасини олган ҳолда бу ҳолатга аниқлик киритилмаганлиги;

Бироқ харид Комиссияси оғзаки маълумотларга асосланган ҳолда маълумотни текширмасдан туриб, иштирокчи номаълум сабабларга кўра тендердан четлаштирилганлиги;

Ушбу ҳолат Ўзбекистон Республикаси Бош прокуратураси томонидан ўтказилган текширишда ҳам таъкидлаб ўтилган. Комиссия томонидан иштирокчиларнинг тақдим этган хужжатлари ўрганиб чиқилганда, тендер хужжатларида белгиланган малака мезонларига асосан тақдим этилган иштирокчининг молиявий ҳолати тўғрисидаги маълумотлар, яъни баланс ҳисоботларидаги рақамлар 4-сон шаклида акс этмаганлиги буюртмачи томонидан ноаниқлик деб баҳоланиб, иштирокчининг четлатилишига сабаб бўлганлиги, шу билан бирга четлатилган иштирокчининг нарх таклифи ғолиб иштирокчининг таклифидан 30 фоизгача паст бўлганлиги маълум бўлган, яъни 27 млрд. сўмга паст нарх таклиф қилинганлиги маълум қилинди.

Шундан сўнг Комиссия аъзоси М.Камилов сўзга чиқиб, давлат буюртмачиси товарларнинг (ишлар, хизматлар) қийматини ҳисобга олиши, давлат харидлари учун ажратилган маблағлардан самарали фойдаланиши, шу жумладан, товарларни (ишлар ва хизматлар) олишдан кўрилган наф, уларнинг сифати ва қиймати ўртасидаги мақбул нисбатни таъминлаш кераклигини таъкидлаб ўтди.

Комиссия аъзоси С. Маманазаров сўзга чиқиб, жорий йилнинг 6 июнида Комиссия йиғилиши бўлиб ўтганлиги, унда тендернинг барча иштирокчилари қатнашганлиги, йиғилиш натижалари бўйича Комиссия 2023 йил 5 апрелдаги давлат харидларини бекор қилиш тўғрисидаги қарори ўзгаришсиз қолдирилиши ҳамда буюртмачига тендер савдоларини қонунчиликда белгиланган тартибда такроран ўтказилиши тавсия қилиш ҳақида қарор қабул қилинганлигини маълум қилди.

Шундан сўнг Комиссия аъзоси Ж. Номозов сўзга чиқиб ҳал қилув қароридаги Комиссия аъзоларининг сонини, улардан нечтаси иштирок этганлигини аниқлаш имконияти мавжуд эмас деган маълумот ҳақиқатдан йироқ бўлганлиги,

Комиссия иштирокчиларини судга жалб қилиб, улардан тўлиқ кўрсатма олмаганлиги сабабли, бекор қилиш лозимлигини айтиб ўтди.

Аризачи томонидан судга киритилган даъво аризада Жавобгар сифатида Давлат харидлари соҳасида шикоятларни кўриб чиқиш Комиссияси кўрсатилган бўлсада, суд томонидан Комиссиянинг бирон - бир аъзоси судга чақирилмаган. Ўзбекистон Республикасининг Маъмурий суд ишларини юритиш тўғрисидаги Кодекснинг 11-моддасида “Маъмурий суд ишларини юритиш суднинг фаол иштироки асосида амалга ошириши, Суд ишда иштирок этувчи шахсларнинг тушунтиришлари, аризалари, илтимосномалари, улар томонидан тақдим этилган далиллар ва ишнинг бошқа материаллари билан чекланмасдан маъмурий ишнинг тўғри ҳал қилиниши учун аҳамиятга эга бўлган барча ҳақиқий ҳолатларни ҳар томонлама, тўлиқ ва ҳолисона текшириши белгиланган.

Шуларга асосан Комиссия аъзолари бир овоздан:

суд томонидан иш учун аҳамиятга эга бўлган ҳолатлар тўлиқ аниқланмаганлиги;

суд аниқланган деб ҳисоблаган, суднинг ҳал қилув қарорида баён этилган ҳулосаларнинг иш ҳолатларига тўлиқ мувофиқ келмаслиги;

моддий ҳуқуқ нормаларининг ёки процессуал ҳуқуқ нормаларининг бузилганлиги ёки нотўғри қўлланилганлиги сабабли Тошкент туманлараро маъмурий судининг 2023 йил 11 июлдаги ҳал қилув қарорини бекор қилиш кераклигига келишишди.

Кун тартибидаги масалаларни кўриб чиқиб, Комиссия раиси қарор қилади:

Комиссия ишчи органи томонидан Тошкент туманлараро маъмурий судининг 2023 йил 11 июлдаги 5-1001-2301/1652-сонли ҳал қилув қарорини тўлиқ бекор қилиш юзасидан апелляция шикояти киритилсин.

Комиссия аъзолари:

Номозов Жамшид Ғиёс ўғли	ЭРИ билан тасдиқланган
Алиев Тофиг Али угли	ЭРИ билан тасдиқланган
Жўраев Абдулло Насрулла ўғли	ЭРИ билан тасдиқланган
Бўранов Шухратжон Арзимуратович	ЭРИ билан тасдиқланган
Шукуров Умидбек Иноят ўғли	ЭРИ билан тасдиқланган
Маманазаров Султонбек Шодикулович	ЭРИ билан тасдиқланган
Махкамов Рустам Хусниддинович	ЭРИ билан тасдиқланган

Ubaydullayev Avaz Baxtiyarullayevich

ЭРИ билан тасдикланган

Камилов Мирзохид Зафаржанович

ЭРИ билан тасдикланган